

ИҚТИСОДИЁТДА ИННОВАЦИЯ ЖУРНАЛИ
ЖУРНАЛ ИННОВАЦИЯ В ЭКОНОМИКЕ
JOURNAL OF INNOVATION IN ECONOMICS

Маматов Қодиржон Баҳодир ўғли,

Мустақил тадқиқотчи



<http://dx.doi.org/10.26739/2181-9491-2019-2-5>

РОССИЯ-ХИТОЙ САВДО-ИҚТИСОДИЙ
ҲАМКОРЛИГИНИНГ БУГУНГИ ҲОЛАТИ

Аннотация: мақола Россия Федерацияси ва Хитой Халқ Республикаси ўртасидаги ўзаро савдо-иқтисодий алоқаларнинг бугунги ҳолати, ўзаро савдодаги устувор ва янги йўналишлар, савдо ҳамкорлигига ижобий ва салбий таъсир кўрсатаётган омиллар таҳлил қилинди.

Калит сўзлар: Россия ва Хитой ўртасидаги иқтисодий алоқалар, ташқи савдо, ташқи савдо айланмаси, экспорт, импорт, товар, савдо, бозор, божхона тизими ва ҳ.к.

Маматов Қодиржон Баҳодир ўғли,

Самостоятельный соискатель

СОВРЕМЕННОЕ СОСТОЯНИЕ РОССИЙСКО-
КИТАЙСКОГО ТОРГОВО-ЭКОНОМИЧЕСКОГО
СОТРУДНИЧЕСТВА

Аннотация: в данной статье анализируются сегодняшнее состояние торгово-экономических взаимоотношений между Российской Федерацией и Китайской Народной Республикой, приоритетные и новые направления во взаимной торговле и факторы оказывающие положительное и отрицательное влияние на торговое сотрудничество.

Ключевые слова: экономические отношения между Россией и Китаем, внешняя торговля, внешне-торговый оборот, экспорт, импорт, товар, торговля, рынок, таможня и т.д.

Mamatov Kodirzhon Bakhodir ugli,

Independent researcher

THE CURRENT STATE OF RUSSIAN-CHINESE TRADE
AND ECONOMIC COOPERATION

Abstract: This article analyzes the current state of trade and economic relations between the Russian Federation and the People's Republic of China, the priority and new directions in mutual trade and the factors that have a positive and negative impact on trade cooperation.

Key words: economic relations between Russia and China, foreign trade, foreign trade, export, import, goods, trade, market, customs, etc.

02/2018

For citation: Mamatov Kodirzhon Bakhodir ugli., The current state of Russian-Chinese trade and economic cooperation. 2019, 2 vol., issue 1, pp. 31-35

Кириш

Сўнги йилларда Россия Федерацияси ва Хитой Халқ Республикаси ўртасидаги савдо-иқтисодий муносабатлар, хусусан, энергетика ва электрон тижорат соҳасидаги алоқалар жадал ривожланмоқда. Бунга, асосан, икки давлат ҳукуматининг мамлакат иқтисодий салоҳиятини қайта тиклаш бўйича ташаббуслари ҳамда АҚШнинг Россия ва Хитойга нисбатан қўллаётган санкциялари туртки бўлмоқда.

Жаҳон иқтисодиётида икки давлатлар ўртасида иқтисодий ҳамкорликнинг самарали йўлга қўйилганлиги ёки аксинча паст даражада эканлигининг асосий кўрсаткичлардан бири савдо-иқтисодий алоқалардир. Марказий Осиё давлатлари, хусусан, Ўзбекистон бугунги кунда ҳар иккала давлат билан стратегик ҳамкорлар сифатида ташқи савдо ҳамда инвестицион фаолият йўналишларида ўзаро ҳамкорликни янада кучайтиришга ҳаракат қилмоқда.

Таъкидлаш жоизки, Россия ва Хитой икки томонлама муносабатларда иқтисодиётнинг алоҳида тармоғи сифатида савдо-иқтисодий ҳамкорлигини ривожлантиришга катта эътибор қаратмоқда. Икки давлат ўртасидаги ўзароташқи савдо айланмаси йил сайин ошиб, унда ҳар иккала давлат экспортининг улуши импортга нисбатан ижобий сальдони ташкил этмоқда. Бироқ, Россия ва Хитой ўртасида савдо-иқтисодий ҳамкорлигини янада ривожлантиришга икки давлат савдо компанияларига қўйилган айрим чекловлар, маҳсулотларни диверсификация қилиш ҳамда транспорт инфратузилмасини яхшилаш сингари айрим муаммолар салбий таъсир кўрсатмоқда.

Айни пайтда, икки давлат ҳукумати 2020 йилга қадар ўзаро савдо айланмасини 200 млрд АҚШ долларга етказишни устувор мақсад сифатида илгари сурмоқда ҳамда бунга тўсиқ бўлаётган салбий омилларни бартараф этишга ҳаракат қилмоқда. Россия ва Хитой ўзаро алоқаларда халқаро муносабатларнинг қуйидаги тамойилларга асосланган ҳолда амалга оширмоқда: чегара ҳудудларда барқарорлик, минтақа давлатлари иқтисодий тараққиёти ва хавфсизлигини таъминлаш, шунингдек, чегараларда барқарорлик ва тинчликни мустаҳкамлаш бўйича биргаликда ҳаракат қилиш тамойиллари шулар жумласидандир. Қолаверса, ўзаро савдо ҳамкорлигининг ривожланишига қуйидаги омиллар ижобий таъсир кўрсатмоқда:

- хомашё бозоридаги нархларнинг ўсиши;
- Россия иқтисодиётининг тикланаётганлиги;
- Хитой иқтисодиётининг жадал ривожланаётганлиги кабилар[1].

Мавзуга оид адабиётлар таҳлили

Ҳозирга қадар бўйича хорижий ва маҳаллий доирада қилинган илмий ишлар, монография ва турли мақолаларда мазкур мавзунинг маълум бир қисми ўрганилган.

Хусусан, Н.А.Мардеян, Чан Бинь, А.П.Суходолов ва К.К.Гасановалар ўз илмий тадқиқот ишларида Россия ва Хитойнинг иқтисодий алоқалари, хусусан, иқтисодий алоқаларда энергияресурсларининг асосий ўринни эгаллаб келаётганлигини таъкидлаб, бир томондан, Хитойнинг ўз энергия хавфсизлигига катта эътибор қаратаётганлиги, иккинчи томондан Россиянинг санкциялар туфайли ташқи алоқаларининг қийинлашуви икки давлатни яқинлаштирувчи омил эканлигини кўрсатганлар. Шунингдек, икки давлат

ўртасидаги савдо-иқтисодий алоқаларнинг тарихи, ривожланиши ва истиқболлари ёритиб берилган [2].

Бундан ташқари, Х.Х.Игамбердиев Хитойнинг Марказий Осиёдаги сиёсий ва иқтисодий фаолиятининг айрим жиҳатлари ва Шинжон Уйғур автономреспубликасининг (ШУАР) Хитой хавфсизлигига таъсирини кенг қамровли ўрганган. З.Т.Мураталиеванинг номзодлик иши икки давлатнинг ШХТ доирасидаги минтақавий сиёсатини таҳлилига бағишланган [3].


Тадқиқот методологияси

Мазкур мақолада мавзуга доир миллий ва хорижий тадқиқодчиларнинг диссертация, мақолаларини таҳлил қилиш ҳамда ёндашуви ва қарашларини тадқиқ этиш, уларга нисбатан муаллифлик муносабатини билдириш, шунингдек омили, қиёсий ва статистик таҳлидан фойдаланилди.

Таҳлил ва натижалар

Сўнги йилларда Россия ва Хитойнинг ўзаро савдо-иқтисодий ҳамкорлигида изчил равишда ўсиш қайд этилмоқда.

Хусусан, 2017 йилда икки давлат ўзаро савдо айланмасида 2015 йил (68,1 млрд \$) га нисбатан етарли даражада ўсиш қайд этилган. Россия ОАВ маълумотига кўра, ўзаро савдо айланмаси 31.5 % ни (87 млрд \$) ташкил этмоқда. Аммо, Хитой ОАВ томонидан ушбу кўрсаткич 20.8% (84.1 млрд \$) кўринишида берилди. Охири 2018 йилда эса Россия ва Хитой ўртасидаги ўзаро савдо айланмаси 97,2 млрд АҚШ долларни ташкил этди [4]. Умумуман, икки давлат ўртасидаги савдо айланмасида динамик ўсиш йиллар кесимида ортиб бораётганлиги кузатилмоқда.



Гистограмма 1. РФ ва ХХРнинг ўзаро савдо айланмаси йиллар кесимида [5].

Россия элчиси Андрей Денисовнинг таъкидлашича, Россия ва Хитойнинг савдо-иқтисодий алоқаларида энергетика соҳаси асосий ўринни эгаллаб келмоқда. Бу бир томондан, Хитойнинг ўз энергия хавфсизлигига катта эътибор қаратаётганлиги, иккинчи томондан Россиянинг санкциялар туфайли ташқи алоқаларининг қийинлашуви билан боғлиқдир. 2018 йилда Россиядан 50.5 млн т (ўсиш 12.5 %) нефт маҳсулотлари Хитойга экспорт қилинган [6]. Охири йиллар ушбу йўналишда икки давлат ўртасидаги ҳамкорлик бошқа йўналишларга қараганда жадал суратларда ошиб бормоқда, бунга Россияда потенциал энергияресурсларнинг мавжудлиги ва Хитойнинг ўсиб бораётган эҳтиёжи сабаб бўлиб хизмат қилмоқда.

Бундан ташқари, сўнги йилларда электрон тижорат Россия ва Хитой ўртасидаги савдо алоқаларининг янги кўриниши сифатида такомиллашиб бормоқда. 2017 йилда икки томонлама савдонинг ўсишида электрон тижорат муҳим рол ўйнади. 2017-2018 йиллар оралигида Россия ва Хитой ўртасидаги ўзаро савдода электрон

тижоратнинг улуши 26.6 % ни (1,6 млрд АҚШ долл.) ташкил этган. Баъзи экспертларнинг таъкидлашича, бу кўрсаткич 4 млрд АҚШ долларни ташкил этган. Шунингдек, Россия халқаро онлайн-савдо бўйича харидларининг 52 % и Хитой ҳиссасига тўғри келмоқда [7].

Шуни алоҳида таъкидлаш керакки, бугунги кунда Россиянинг электрон тижорат тармоғида Хитойнинг AliExpress интернет-платформасининг аҳамияти ортиб бормоқда. Сабаби компания россиялик харидорларга хизмат кўрсатиш сифатини оширишда мақсадида товарларни рус тилида қидириш учун "Яндекс" дан экспертларни жалб қилиш ва товарларни етказиб бериш муддатларини қисқартириш каби хизматларни йўлга қўйган. Шунингдек, 2018 йилнинг 1 мартидан товарлани муҳокама қилиш бўйича AliExpress Connect ижтимоий тармўғи жорий қилинди. Мақсад "ижтимоий фикр лидерлари"ни тармоғдаги электрон тижорат муҳокамасига жалб қилиш орқали Хитойда электрон тижорат бўйича аҳоли фикрини шакиллантириш [8]. Умуман, AliExpress интернет-платформаси Россияда электрон тижоратни ривожлантиришга ҳамда Хитой смартфонлари харидини ўсишига ижобий таъсир кўрсатмоқда.

Жаҳон иқтисодий форуми(ЖИФ) маълумотларига кўра, 2016 йилгача давлатлар ўртасидаги божхона божлари, тарифсиз тўсиқлар, процедуралар ва юқори харажатлар, транспорт йўналишлари, маҳаллий халқаро ташиш коридорлари, чегара ҳудуддаги коррупция сингари салбий омилларнинг мавжудлиги ўзаро савдода экспорт-импорт харажатларини оширган. Ушбу салбий ҳолатларни бартараф этиш мақсадида 2017 йилнинг 1 октябрида ЕвроЕИК ва Хитой ўртасида 10 та бўлимдан иборат бўлган савдо-иқтисодий ҳамкорлик тўғрисида битим имзоланди. Ушбу йирик савдо битими қуйдагиларни ўз ичига қамраб олади: божхона ва савдо-сотикни осонлаштириш, интеллектуал мулк, тармоқлараро ҳамкорлик, электрон тижорат ва рақобат кабилардир [9]. Шу ўринда, шартнома тузилгандан сўнг, томонлар зиммасига ўзаро алоқаларда бизнес сифатини такомиллаштириш, савдо ва инвестицияларни соддалаштириш ва қулай инвестицион муҳитни шакиллантириш бўйича вазифалар ҳам юклатилган.

Хулоса ва таклифлар

Юқоридагилардан келиб чиқиб хулоса қилиш мумкинки, ҳозирги вақтда Россия-Хитой савдо-иқтисодий алоқаларида 2015 йилдан буён ижобий томонга ўсиш тенденциялари кузатилмоқда. Икки давлат раҳбарияти ўзаро алоқаларга тўсиқ бўлаётган салбий ҳолатларни бартараф этиш бўйича янги таклифларни илгари сурмоқда. Шунингдек, икки давлат ўртасидаги савдо-иқтисодий ҳамкорликда бошқа соҳаларга қараганда энергетика ва электрон тижорат соҳаларининг улуши ортиб бормоқда. Фарб экспертларининг сўзларига кўра, Хитой ҳозирги вақтда Россиянинг етакчи савдо-иқтисодий шериги сифатида "мустаҳкамланиб олди". Шундай экан, келгусида бу икки давлатнинг ўзаро ҳамкорлигида савдо-иқтисодий алоқалар устувор йўналиш бўлиб қолади.

Таъкидлаш жоизки, Россия-Хитой алоқаларининг ривожланиши Ўзбекистоннинг манфаатларига тўғри келиб, республика учун янги савдо бозорлари сони ортиши ва инвестиция оқимининг ўсишига имконият яратadi.

Россия ва Хитойнинг савдо-иқтисодий муносабатлар борасидаги тажрибасини ўрганиш натижасида маълум бўлдики, Ўзбекистон учун чегарадош ҳудудларда тадбиркорларининг доимий фаолиятини ташкиллаштириш мақсадида хусусий ва давлат тасарруфидаги савдо уйлари очиш мақсадга мувофиқ ҳисобланади.

References

- [1]. К.К. Долгов Россия и Китай: стратегическое партнерство // Междунар. жизнь. - 2014. - №7. - С.154-159; Юнцюань Ли. Продвижение китайско-российских отношений всестороннего стратегического партнерства: проблемы и перспективы // Стратегический партнерский диалог между Россией и Китаем. Современное состояние, проблемы и предложения.-М., 2014. - Кн.1. - С.49-50.
- (К.К. Dolgov. Russia and China: a strategic partnership // Intern. a life. - 2014. - №7. - pp. 154-59; Yongquan Li. Promotion of China-Russian relations of a comprehensive strategic partnership: problems and prospects // Strategic partnership dialogue between Russia and China. Current status, problems and suggestions.- M., 2014. - Kn.1. - P.49-50.)
- [2]. К.К. Долгов Россия и Китай: стратегическое партнерство // Междунар. жизнь. - 2014. - №7. - С.154-159; Юнцюань Ли. Продвижение китайско-российских отношений всестороннего стратегического партнерства: проблемы и перспективы // Стратегический партнерский диалог между Россией и Китаем. Современное состояние, проблемы и предложения.-М., 2014. - Кн.1. - С.49-50.
- (К.К. Dolgov. Russia and China: a strategic partnership // Intern. a life. - 2014. - №7. - pp. 154-59; Yongquan Li. Promotion of China-Russian relations of a comprehensive strategic partnership: problems and prospects // Strategic partnership dialogue between Russia and China. Current status, problems and suggestions.- M., 2014. - Kn.1. - P.49-50.)
- [3]. Игамбердиев Х.Х. Геополитика Китайской Народной Республики в Центральной Азии (ШУАР). - Т.: "Фан". 2007; Мураталиева З.Т. Региональная политика России и Китая в Центральной Азии и ШОС как фактор взаимодействия. - М.: Автореф. дисс. СПКПН. 2010.
- (Igamberdiev Kh.H. Geopolitics of the People's Republic of China in Central Asia (SHUAR). - T.: "Fan". 2007; Z.T. Murataliyeva Regional policy of Russia and China in Central Asia and the SCO as a factor of interaction. - M.: Avtoref. diss. SPKPN. 2010)
- [4]. Российско-китайский диалог: модель 2018: доклад № 39/2018 / [С.Г. Лузянин (рук.) и др.; Х. Чжао (рук.) и др.]; [гл. ред. И.С. Иванов]; Российский совет по международным делам (РСМД). - М.: НП РСМД, 2018. - 243 с. - Авт. и ред. указаны на обороте тит. л.
- (Russian-Chinese dialogue: model 2018: Report No. 39/2018 / [S.G. Luzyanin (hand.) And others; H. Zhao (hand.) And others]; [ch. ed. I.S. Ivanov]; Russian Council on International Affairs (INF). - M.: NP RSMД, 2018. - 243 p. - Auth. and ed. indicated on the back of tit. L)
- [5]. Россия: Статистика внешней торговли. По данным ФТС России. // Ru-Stat.com. <http://ru-stat.com/dateM201701-201712/RU/export/IR>
- (Russia: Foreign Trade Statistics. According to the Federal Customs Service of Russia. // Ru-Stat.com. <http://ru-stat.com/dateM201701-201712/RU/export/IR>)
- [6]. Россия: Статистика внешней торговли. По данным ФТС России. // Ru-Stat.com. <http://ru-stat.com/dateM201701-201712/RU/export/IR>
- (Russia: Foreign Trade Statistics. According to the Federal Customs Service of Russia. // Ru-Stat.com. <http://ru-stat.com/dateM201701-201712/RU/export/IR>)
- [7]. Россия: Статистика внешней торговли. По данным ФТС России. // Ru-Stat.com. <http://ru-stat.co/dateM201701-201712/RU/export/IR>
- (Russia: Foreign Trade Statistics. According to the Federal Customs Service of Russia. // Ru-Stat.com. <http://ru-stat.com/dateM201701-201712/RU/export/IR>)
- [8]. Бахареv И. Рынок интернет-торговли в 2017 году, данные АКИТ // E-paper. 12.09.2017. URL: <https://www.e-pepper.ru/news/rynok-internet-torgovli-v-2017-godu-dannye-akit.html>
- (Bakharev I. Internet commerce market in 2017, ACIT data // E-paper. September 12, 2017. URL: <https://www.e-pepper.ru/news/rynok-internet-torgovli-v-2017-godu-dannye-akit.html>)
- [9]. Аналитическая справка и статистические данные по внешней торговле России и Китая в 2017 г. Торговое представительство Российской Федерации в Китайской Народной Республике. URL: <https://www.ved.gov.ru/files/images/2018/02/Analytical%20background%20and%20statistics%20in%20the%20>
- (Analytical reference and statistical data on foreign trade of Russia and China in 2017. Trade representation of the Russian Federation in the People's Republic of China. URL: <https://www.ved.gov.ru/files/images/2018/02/Analytical%20background%20and%20statistics%20in%20the%20>)